



UNIVERSITÄTS-
BIBLIOTHEK
PADERBORN

Tyrocinium Artis Oratoriæ Sacræ Et Profanæ

Moine, Joseph

Solodori, 1714

7. De Figuris verborum, quæ fiunt per Adjectionem.

[urn:nbn:de:hbz:466:1-68834](#)

tui rebus addendo specialem curam impendiſſe. Quia in re mirus artifex eſt Cicero, ex cuius & aliorum illustrium Oratorum lectione iſtud artificium obſervandum & diſcendum eſt. Puerile autem eſt, veluti præmonere auditorem, nunc aliquam elegantiā sermonis ſecuturam.

CAPUT VII.

*De Figuris verborum, quæ fūnt
per adjectionem.*

I. *Q*uid eſt Repetitio? Resp. Eſt Figura, in qua plura Incisa ejusdem Membri ab eodem verbo incipiunt. Cic. I. Catil. n. I. Repetitio.

Nihilne te nocturnum præſidium palatii, nihil urbis vigiliæ, nihil timor populi, nihil consensus bonorum omnium, nihil hic munitissimus habendi Senatus locus, nihil horum ora vultusq; moverunt? Vel integrum incifum, pluribus membris interjectum, ſæpius repetitur. Cic. proQuinct. n. 52. Ad vadimonium non venit: quis? Propinquus. Si res ista gravissima ſua ſponte videretur, tamen eius atrocitas neceſſitudinis nomine levaretur. Ad vadimonium non venit: quis? Socius. Etiam gravius aliquid ei deberes concedere, quicum te aut voluntas congregäſſet, aut fortuna conjuñxifſet. Ad vadimonium non venit: quis? Is, qui tibi preſto ſemper ſuit. Ergo in eum, qui ſemel hoc commiſſit, ut tibi preſto non eſſet, omnia tela conjecli, que parata ſunt

sunt in eos, qui permulta male agendi causâ fraudandiq^z, fecerunt. In quo insigni exemplo duæ Figuræ sententiarum conjunctæ exornantur Figurâ verborum, videlicet unitæ Responsio & Subjectio Repetitione.

ii. Quid est **Conversio**? Resp. Est Figura Repetitioni opposita, in qua plura Incisa eiusdem Membri in idem verbum desinunt. Sic 2. ad Corinth. 11. v. 21. *In quo quis audet (in insipientia dico) audeo & ego. Hebrei sunt: & ego. Israëlitæ sunt: & ego. Semen Abrahæ sunt: & ego. Ministri Christi sunt: & ego.* Cic. 2. Phil. *Doletis tres exercitus populi Rom. imperfectos? Interfecit Antonius. Desideratis clarissimos cives? Eos quoq^z vobis eripuit Antonius. Auctoritas hujus ordinis afficta est? Affixit Antonius.* Et pro Mil. n. 59. *Quis eos postulavit? Appius. Quis produxit? Appius. Vnde? ab Appio.*

Complexio,

iii. Quid est **Complexio**? Resp. Est Figura, quæ Repetitione simul & Conversione constat, ita ut plura Incisa ab uno aliquo verbo incipient, & in aliud s^æpius repetitum exeant. Cic. pro Lege Agrar. *Quis Legem tulit? Rullus. Quis majorem populi partem suffragiis privavit? Rullus. Quis comitiis præfuit? Rullus.* Tres istæ Figuræ serviunt ad exaggerandas virtutes & vitia, ad vehementius instandum, ad urgendos motus animi, &c.

Conduplicatio.

iv. Quid est **Conduplicatio**? Resp. Est unius aut plurium verborum semel tantum facta iteratio, in quo discrepat à præcedentibus

tri-

tribus; & præterea, quod ista iteratio non fiat in solo initio aut fine Incisorum, sed sex istis modis. 1. Geminatur idem verbum initio statim ejusdem Incisi. Cic. I. Cat. n. 4. *Vivis; & vivis non ad deponendam sed ad confirmandam audaciam.* Et pro Mil. n. 92. *Excitate, excitate eum, si potestis, ab inferis.* 2. Initio & in medio. Idem: *Bona (miserum me! consumptis enim lachrimis tamen infixus animo hæret dolor) bona inquam, Cn. Pompeii acerbissimæ ruci subjecta praconis.* 3. Initio & in fine. Cic. pro Marcell. n. 17. *Vidimus tuam victoriam præliorum exitu terminatam; gladium vagina vacuum in urbe non vidimus.* 4. Continenter, aut paulo post idem verbum, sed non eodem sensu repetitur. *Principum dignitas erat penè par, non par fortasse eorum, qui sequebantur.* 5. Idem ponitur in medio & in fine. Cic. in 7. Verr. n. 43. *Hac navis onusta erat ex præda Siciliensi, cum ipse quoq[ue] eßet ex præda.* 6. Totum Incisum repetitur. Idem Verr. n. 106. *Quid Cleomenes facere potuit (non enim possum quenquam insimulare falsò) quid, inquam, magnopere potuit Cleomenes facere?* Valet hæc Figura ad vehementiam, nonnunquam ad suavitatem orationi conciliandam.

v. Quid est Traductio? Resp. Est ejusdem Traductio. verbi in eodem Membro paululum immutata per varia genera, aut modos, aut tempora, aut in diverso sensu facta iteratio, quæ concinniorem reddit orationem. Cic. pro Arch.

Arch. n. 14. Pleni sunt omnes libri, plene sapientum voces, plena exemplorum vetustas.

Polyptoton.

VI. Quid est *Polyptoton*? Resp. Est Figura non aliter à præcedente discrepans, quād quod ista immutatio fiat in casibus diversis, intelligendo casus in sensu Rhetorum, qui inter hos numerant etiam verborum tempora. Unde nonnulli hanc à priore non disjungunt.

Synonymia.

VI I. Quid est *Synonymia*? Resp. Est coacervatio plurium prope idem significantium. Valet ad amplificationem & exagerationem. Cic. I. Catil. n. 32. *Quare P. C. secedant improbi, secernant se à bonis, unum in locum congregentur, &c.* Dixi: *Prope idem significantium:* aliud enim est facere *Synonymiam*, aliud *synonyma pueriliter congerere*. Debent etiam ea plura in sensu aliquo modo crescere.

Polysynthon.

VIII. Quid est *Polysynthon*? Resp. Est Figura, quæ conjunctionibus abundat, dum videlicet sua cuique Incisio tribuitur, cùm in vulgari loquela ultimum tantum aliquam habeat. Ut: *Justitia, & fortitudine & temperantia, & prudentia, & religione & ceterarum virtutum laude floruit.* Istiusmodi conjunctiones sunt: *Et, que, vel, aut, cum, partim, quā, seu, sive, &c.*

Gradatio.

IX. Quid est *Gradatio*? Resp. Græcè *Climax*, est Figura, quæ in sequente Inciso semper aliquod verbum ex præcedente Inciso

ciso repetit, in eoque paululum subsistens
quasi per gradus ad Membri finem proce-
dit. Paulus ad Rom. 5. v. 3. *Gloriamur in tri-
bulationibus, scientes, quod tribulatio patientiam
operator; patientia autem probationem; probatio
vero spem; spes autem non confundit.* Cic. pro
Rosco. Am. n. 75. *In urbe luxuries creaturæ ex
luxuria existat avaritia necesse est; ex avaritia e-
rumpat audacia; inde omnia scelera ac maleficia
gignuntur.* Sed hæc Figura, cùm nimis aper-
ta sit, rariùs assumatur.

CAPUT VIII.

*De Figuris verborum, quæ fiunt
per Detractionem.*

I. **Q**uid est *Synecdoche*, prout est Figura, & *Fig. verbor.*
à Tropo ejusdem nominis differt? *pe Detrac-
tio-*
nem.
Resp. Est reticentia unius verbi, quod ex *Synecdoche.*
contextu reliquæ orationis facile intelligi-
tur. Ut: *Sermo nullus, nisi de te.* Facile subau-
ditur: *factus est.* *His auditis ille vim sibi fieri ani-
madvertens hominum superiorumq; fidem implorare;*
intellige: *cepit.*

II. Quid est *Dissolutio*? Resp. Est Figura, *Dissolutio.*
qua demptis conjunctionibus dissolutè plu-
ra dicuntur Cic. 3. Verr. n. 5. *Nullum esse di-
co indicium libidinis, sceleris, audaciae, quod non
in unius istius vita perspicere possit.* Sic etiam plu-
ra *Incisa* sine conjunctione congeruntur. Ci-
cer.